



雍正十三年乙卯元旦在泰寧率文武官弁拜

萬歲牌於都岡樓是日天氣晴和臣民歡忭望


闕抒誠感荷

旃幪遠被車書文物之廣洵前古所罕見也午宴達

賴喇嘛及僧徒百廿八酋長百十八人

初二日申時大雨雪

初三日晚晴



初四日達賴喇嘛進丹書于都岡樓是日給賞土
司等金帛

初五日余遣丹書與達賴喇嘛

初六日至初十日見達賴喇嘛

初十日余受達賴喇嘛丹書

十一日道場竟賚給眾僧一百人達賴喇嘛恭脩

請

聖安之儀

十二日立春春寒雨雪聞雷秦寧一帶雪山交冬月

即雷

十三日大雨雪

十四日微雪

十五日晴晚復大雪

十六日大雪晚晴

十七日達賴喇嘛起歲經道場

十八日至二十日見達賴喇嘛

二十一日晚雪

二十二日無事如前

二十三日達賴喇嘛贖餽受其銅像畫像餘却之
隨分頒從使官屬

二十四日道場竟復賚僧徒如前

二十五日~~見達賴喇嘛~~送達賴喇嘛入京~~馬~~如前

二十六日恭迎

上諭及

賜物至奉寧

二十七日常賞土司所屬未役等及^{考人}不勞其修治道

二十八日~~無事~~大風

二十九日再宴達賴喇嘛^及僧徒酋長如前

三十日午時大風雪晚晴

二月朔日達賴喇嘛宴餞于都岡樓上建三簷黃

繖一彩幢二絨纓白旗二皂纓赤緣白旗二錦

帳四番僧數人俯睥睨上吹海螺喇叭以迎余

同達賴喇嘛中道入余東坐西向達賴喇嘛西

坐東向座高七尺加四褥次章嘉胡土克苗西
向座高四尺五寸諾木罕東向座高二尺再次
都統鼐格副都統福壽西向公瑣南達兒扎東
向皆褥地坐其下東列席六從使官弁西列席
二番僧酋目及西藏使臣章嘉弟子等褥地對
向坐坐定僧榻席幕箔三行餅餼層累上列杏
桃諸品初獻時二老僧向上三拜北面倚柱坐
口喃喃誦番詞誦竟樓西南隅鼓吹大作其鼓

以鐵為腔鞞一面形如半瓜四番優躍而出一
人抹首赤錦三人抹首素帛並錦窄袖紅草履
腰束絳帶膝綴銅鈴右握斧左縮幌魚貫躬身
入庭中屈右膝以手抄地至額已而竦軀雙舉
斧超距曲踊俛仰合節有長蛇率然之勢斧柄
置鈴轂琅琅與鼓相應良久鞠臆告退中華優
前奏樂樂三終番優更躍而進撚其斧作躡立
狀揮其悅作躡伏狀十盪十決仍鞠臆退如前

中華優再奏樂樂三終番優三上側身立兩臂
運掉支左詘右若射若搏欵搖斧振鈴揮悅前
逐散列四隅復聚而肩隨歛而鱗次仍鞠膾退
如前是時觀者目為愕眙心神震蕩問其制云
唐時公主嫁西番所携之樂伎也余嘗攷周禮
韎師掌教舞韎樂旄人掌教舞夷樂鞀鞞氏掌
四夷之樂與其教歌禮記曰昧東夷之樂任南
薰之樂今番優蓋即任昧之遺意耳宋熙寧中

嘗取樂於高麗以俗國風則此亦可資輜軒之
采矣逮樓上樂作宴遂畢

初二日治行并以金帛贈達賴喇嗎及賞僧徒首長等
初三日發泰寧達賴喇嗎送至惠遠廟門番僧等
跪送道左泰寧本四面枯山百物不產歲多風
寒燠不時其地為控扼諸藏要區元以番僧八
思巴為大寶法王鎮撫各部明初置烏斯藏朵
甘二指揮司官故國公南哥思丹八亦監藏等

封番僧為大寶大來二法王及闡教護教闡化
贊善等王各給印誥俾教導其眾後製金牌信符
以通茶貨

本朝德威大播諸番獲托宇下

皇上煦育仁慈勤加綏輯番民覩使車言旋引手加額

咸切訓行近光之思益信教名洋溢遠矣余因

避遮多山瘴自泰寧東南行進福落溝攀山陟

林木葱鬱登井上井下遠望一峰高聳者大雪山也憩下

大雪山高聳

板廠連東多杉樹山勢旋連華嶽排空爛然如

銀其間復含碧色青目先芒射目者萬年冰也遂帳宿於

山下忽見忽雲霧忽籠罩忽峰少頃已積雪彌

漫山林隱形矣終是夜雪深二尺按杜甫詩更奪

蓬婆雪外城元和志大雪山一名蓬婆山胡三

省通鑑注蓬婆嶺其地在雪山外金履祥書注

岷山數百峰大雪山三峯闖其後一谷名鐵豹

嶺者有西岳廟廟下名羊膊石江水正源也其

西南分一源又為大渡江蓋大雪山綿亘番界
禹貢第指蜀江所發以為岷山導江其實江源
在大雪山猶導河積石而河源却在崑崙也

初四日發雪山被粘擁毳霏肩頭瓊攀緣詰曲而

上者二十里許及頂有平地十里許積水一泓地

名海子為深雪所積不見其涯陰平處周園漢起高

向祭雪山之神人騎旋轉雪中深若陷淖憩馬

家店迤東一派杉林宵無涯際梢頭雪片時墜

登陟

如柳絮成團又三十里許乃帳宿于中岵
鐘谷其地有溫泉

初五日自中岵起程雪勢雖微山勢極愈嶮憩卧牛

莊附山傍澗而行硯樓山勢斷平耕多至熱水塘氣甚鬱

蒸馳而過宿打箭爐按宋史志嚴道縣有硯門

砦元史志至元二年授雅州硯門安撫司高保

四虎符名勝志飛越山下有唐時三硯城今雅

州府西北天全州與打箭爐交界為唐之和川

鎮宋元之碣門蓋番民皆壘石為之故曰碣門
曰碣樓篇海云碣樓石室是也

初六日發打箭爐憩柳楊宿頭道水途中山桃初
綻綠草茸茸香風馥郁撲人口鼻

初七日過大崗山憩黃草坪及小烹壩過瀘定橋
宿東岸公署橋跨大渡河按漢書以青衣水為
大渡水水經注以旄牛徼外之鮮水為大渡水
唐宋以後始以古泚水為大渡水泚水即水經

注之泚水也

泚字形相似而訛

然班固云大渡水東南至南安入

泚酈道元云泚水南至南安入大渡水則大渡
與泚泚至下流始合耳古青衣水今謂之平羌
江方輿勝覽大渡河于黎州為南邊要害之地
河流澎湃如瀑船筏不通名曰噎口殆天設險
以限蠻夷今自建橋之後梯航貢獻王路蕩平
迥軼前代規模矣

初八日憩冷磧宿化林坪化林都司署內長春花

一株高丈五尺開花如椀大坪下崖中產石燕
每長夏陰雨則飛出墜草間人得之則石也具

燕形

初九日過飛越嶺名勝志唐飛越縣在飛越山下
為沈黎西境要害之所憩林口宿泥頭鋪是日去

初十日憩富莊宿清溪縣治縣南有清溪關故以
取名名勝志古清溪關唐韋臯所鑿以通好南
詔者自此出邛部經姚州而入雲南謂之南路

在唐為重鎮嘗僑置寧州于此是日過風

十一日過大相嶺觀所修石刻憩黃泥鋪及箐口宿榮經縣治

縣以榮經二水得名榮水在城北一出相嶺一
出番界經水在城南一出瓦屋山一出改丁河
一出汶川五水會流摠名榮經水北至雅安西
入青衣江縣界麥苗四寸遍處皆茶花

十二日天陰微雨過飛龍關憩觀音鋪及新添站
宿雅州府治按禹貢蔡蒙旅平和夷底績正義

曰蒙山在蜀郡青衣縣蔡山不知所在輿地廣
記蔡山在雅州嚴道縣嚴道今榮經縣也並無
此山名葉夢得妄以雅安縣東周公山當之明
統志遂謂蔡山在州東五里又有地名旅平在
州東十里夏禹治水功成旅祭於此皆荒謬不
足證信和夷水經注和上夷所居之地寰宇記
和川路在嚴道縣界西至大渡河五日程唐書
志雅州有和川鎮兵蔡傳云和夷地名嚴道以

西有和川是也但又云有夷道則非水經注夷
水東過夷道縣北在荊州域若嚴道以西古別
無夷道之稱也雅州有延錦花葉似秋海棠花
如紫荊草本而矮科孟冬開花季春始萎

十三日過金雞關憩名山縣有蒙山即禹貢之蔡
蒙也水經注縣有蒙山青衣所發元和志山在
縣南十里每歲貢茶為蜀之最寰宇記山頂受
金陽氣其茶芳香茶譜山有五頂中頂曰上清

峯所謂蒙頂茶也再憇新店宿栢站是日恭迎

上諭及

賜物至并接印中報

十四日微陰憇大塘抵邛州宿鶴山書院觀去年所作石刻復書扁留之鶴山在城西八里相傳漢胡安于此乘鶴仙去故名益部耆舊傳胡安臨邛人聚徒于白鶴山司馬相如從之受經四

周林麓盤鬱景侯融和絳桃綠柳燦若錦繡縣

界有火井蜀都賦火井沈熒于幽泉是也名勝志民欲火者先投以家火頃許如雷敔用竹筍盛其焰藏之拽行終日不滅井有二水取井火煮即成鹽

十五日晴憇斜江河宿新津縣治地產獺民多畜之捕魚

十六日憇雙流舊縣川省督撫等來迎謁武侯祠過萬里橋進成都府南門宿督署元和志萬里

橋架大江水在縣南八里蜀使費禕聘吳諸葛
亮祖之禕歎曰萬里之路始于此橋因以為名
杜甫詩萬里橋西一草堂本參萬里橋詩成都子維揚相去萬里也是日書扁送
李冰祠

十七日在成都赴滿洲城校閱旗兵

十八日再閱旗兵

十九日三閱旗兵

二十日遊成都北門外昭覺寺為宋園悟勤禪師

寺在北門外

塔院今住持百餘僧多僮俚

二十一日校閱標兵事畢發成都帳宿於昭覺寺

二十二日憩天廸鎮晚宿新都縣治賞土司官布

額華陽國志蜀以成都廣都新都為三都號名
城廣都即故雙流縣也新都故城在今治東二
里蜀志法正依劉璋為新都令即此

二十三日憩彌牟鎮武侯祠觀所作石刻是日天
氣驟熱從人改服單袂菜花黃豔遍地如金翠

竹叅天百卉斂綠間以碧桃紫蘭香馥遠襲其
菜子堪壓油莖葉不可食也過十里河橋抵漢
州東漢益州刺史治舊有雒縣以城東洛水得
名亦曰沉屏水華陽國志所稱蜀之淵府浸以
綿洛者也宋明道程子曾為州牧多善政至今
祠之出北門乘船觀漁人縱獺捕魚不減少陵
所詠綿州東津景色晚刻恭迎

賜物至
并接報

二十四日過金雁橋裴松之蜀志注劉璋子循守
雒城張任勒兵出雁橋與先主戰即此地憩小
漢鎮宿德陽縣治是日天陰微雨

二十五日陰雨憩孟家店過綿陽河上落鳳坡謁
龐士元祠書扁曰忠節凜然聯曰人傑不必以
成敗論赤忠湏得於是非明宿羅江縣治夜雨
徹宵

二十六日早拜發

奏章午時雨止發羅江憩皂角舖過綿河宿綿州西
關有越王樓杜甫詩孤城西北起高樓碧瓦朱
甍照城郭是也甫又有左綿公館海棕詩今無
考

二十七日天陰無雨自綿州過河憩沉香舖及魏
城驛羅隱有魏城逢故人詩澹烟喬木隔綿州
即此處也晚抵梓潼縣宿水經有梓潼水出其
縣北界南入于涪時蜀中一種花盛開儼如紫

丁香木本無葉高一二尺彌山谷嗅之輒頭痛
名悶頭花

二十八日天陰經梓潼廟晉謁觀所書石文宣化
飛翼精莫二扁勒石憩上亭舖宿武連驛名勝
志劍門東南有七盤嶺廢武連縣設焉

二十九日憩柳池溝溝南有墓碑書大順二年蓋
獻賊僭號也令州守刊去之是夕宿劍州寰宇
記武侯相蜀于此立劍門以大劍山至此有隘

東之路故曰劍門有小劍城大劍城相去三十里

三月朔日天陰憩石洞溝宿劍門驛蜀有萬年松產峨嵋山長二三寸宛然成樹采置箱篋經年不枯植盆盎中沃以水青翠如初

初二日晴憩大木塘宿昭化縣治縣界與廣元之龍門石櫃相錯南接劍門古葭萌白水地也寰宇記有馬鳴閣在利州昭化縣魏志徐晃與夏

侯淵拒劉備于陽平備遣陳式等十餘營馬鳴閣道

初三日陰由昭化桔栢渡登舟抵廣元縣寰宇記廣明二年僖宗幸蜀張患子神見于利州桔栢津即此方輿勝覽昭化驛有古栢土人呼桔栢故以名潭

初四日陰廣元登舟遊千佛崖觀所書石刻無漏智海扁額及偈文名勝志千佛崖即古龍門閣

先是懸崖架木作棧而行後鑿石為千佛像遂

成通衢憩沙河舖由陸路過朝天關宿朝天鎮

余前經此地第從舟中遙望今日擊巖

初五日陰自下峽登舟溯流而北過上峽及三灘

峽仍回朝天鎮宿蓋嘉陵江有上下二峽危峰

之峻仰穿天窟層雲盪胸始洗出山靈真面是夕

聳峙一水中貫其上流為三灘水淺而駛舟人

畏之灘北曰三灘峽峯巒凹凸怪石參差猿猴

成羣跳崖攀樹宋文同詩頗若畫屏隨峽勢水

如衣帶轉岩陰洵紀實也

初六日晴歷龍洞背憩神宣驛宿朝頭舖亦曰磚

頭驛川路至此始竟

初七日陝西兵弁來迎過七盤關憩黃壩驛是夕

抵寧羗州治劉宗為東益州舊謂之白馬城水

經注東帶白馬城一名陽平關瀘水南流入沔

謂之瀘口按陽平關在州北九十里蜀志先主

次于陽平關與淵卻等相拒又姜維表請分護

陽平關口即其處通典張魯弟衛據陽平關橫

山築城十餘里周地畝記褒谷西北有古陽平

關

初八日憩滴水舖過五丁關及金牛峽再憩寬川

舖宿大安驛一曰大安關名勝志三泉在大安

軍東門外瀕江石上宋史紹興中劉子羽留吳

玠等守三泉子羽以潭毒山形斗拔其上寬平

有水乃下令築壘按潭毒與四川廣元錯壤為

蜀口之障古時壘砦尚存余留扁于峽曰升平

曩過此見荆榛冒絳雜木蔽虧令有司伐去以
便行旅會
蜀陰卑濕者
悉成夷墟因

孔道

初九日憩青陽驛再憩沮水水經注沔水又東南

逕沮水成而東南流注漢曰沮口按沔水一曰

沮水寧州本漢時沮縣地縣蓋以水名也宿沔

縣治水經注沔水又東逕沔陽故城南城蕭何

所築漢建安二十四年劉備北定漢中始立壇

即漢王位于此南對定軍山蜀志先主自陽平

南渡沔水緣山稍前于定軍山勢作營即其地

其故城在今治東南十六里

初十日謁武侯祠觀所題詩勒石渡沔水拜武侯墓書扁二曰名垂宇宙曰醇儒氣象留于祠并題其墓碑之陰後渡沔水東行憩舊州舖及扭項舖宿褒城縣治褒谷長四百七十里與斜同為一谷北口曰斜南口曰褒西谷高峻中間谷道褒水所經史記張良送高祖至褒中說以燒絕棧道者也又有箕谷蜀志建興六年諸葛亮揚敵

由斜谷道取郿使趙雲鄧芝為疑軍據箕谷谷口有石如門曰石門蜀都賦岨以石門蓋在漢中之西褒中之北司馬遷有云巴蜀四塞棧道千里唯褒斜綰轂其口

十一日過雞頭關及觀音碓觀所作詩俱勒石名勝志明洪武中增損歷代舊路修建雞頭棧八十五間有雞頭巡司即今雞頭關也憩青橋驛抵馬道驛宿名勝志去褒城五十里曰馬道山

馬道驛設焉有甘亭關隋開皇置今為甘亭戍亦謂之甘亭山

十二日經馬鞍二十四嶺憇武關驛再憇青羊舖過畫眉關宿留壩

十三日微雨憇廟臺過柴關嶺再憇榆林舖宿南星舖棧中多冬青樹生石罅中枝幹臃腫根木下垂糾結纏絡如龍蛇之狀杜甫詩下有冬青樹石上走長根是也

十四日憇廢卯關及新紅舖過鳳嶺宿鳳縣治

十五日微雨憇王家臺再憇草涼驛及北星宿黃牛舖竟夜大雨更盛

十六日晴憇東河驛再憇煎茶坪又憇益門鎮觀所作石刻始出棧道唐歐陽詹棧閣銘曰秦之坤蜀之艮連高夾深九州之險陰谿窮谷萬仞直下奔崖峭壁千里無土余時往冬經陟此地躡雪噤風攀磴上下今則春林杳靄山谷萋迷

別具一種景色楊柳雨雪髣髴雅歌遂渡渭水
宿寶雞縣治元和志陳倉城在寶雞縣東二十
里雞爪峯之下有二城上城秦文公築下城魏
將却昭築按蘇軾詩雞嶺雲霞古即指此峰又
軾詩回趨西虢道今有虢國故城與岐山縣交
界謂之西虢渭河有磻溪石相傳呂尚釣處上
有膝痕軾詩安知渭上叟跪石留雙鬣是也是

日恭迎

賜物至

十七日憇邸店及連村宿鳳翔府治府唐肅宗置
與成都京兆河南太原為五京本漢時三輔地
也蘇軾鳳翔八觀詩曰石鼓曰咀楚文曰王維
吳道子畫曰維摩像曰東湖曰真興閣曰李園
曰秦穆公墓墓在城東南隅軾詩橐泉在城東
墓在城中無百步是也橐泉秦宮名亦謂之祈
年宮石鼓今在京師太學內

十八日抵岐山縣小憩再憩益店宿扶風縣治遇
番使延見行臺

十九日憩杏林宿武功縣治水經注斜水運武功
縣亦謂之武功水諸葛亮遣虎步監孟瑛據武
功水司馬懿因水長攻瑛亮作竹橋越水射之
橋成馳去其水北流注于渭是日西安藩臬來
迎

二十日憩河道村及馬嵬鎮宿興平縣治是日遇

風晚刺雨縣本周犬邱地秦曰廢邱項羽封章
邯都此

二十一日晴憩馬刨泉宿咸陽縣治秦故都也西
京賦秦里其翔實為咸陽三秦記以在九峻山
南渭水北山水俱陽故名商鞅所築冀闕處周
鎬京在縣東二十五里是日將軍督撫來迎

二十二日上畢原謁文武成康陵及周公太公墓
按帝王世紀文武成康皆葬于畢左傳杜注畢

國在長安西北今咸陽縣北五里畢原是也亦謂之畢陌秦謂之池陽原漢曰長平陂皇覽云文王武王周公冢皆在京兆長安鎬聚東杜中史記成王葬周公于畢禮記太公返葬于周正義曰葬于鎬京陪文武之墓遺墟荒阜故老表而識之歷代尊崇亦可謂一體君臣祭祀同也憇三橋抵西安府治宿暫署中是日恭迎

上諭及

賜物至

二十三日延見將軍督撫學使等

二十四日拜發

奏章校閱旗兵

二十五日雨

二十六日晴再閱旗兵

二十七日三閱旗兵

二十八日校閱騎射過滿洲城晚復雨

二十九日大雨

三十日晴謁

文廟觀碑洞其碑刻凡二百二十

餘座中有唐國子學石刻九經易九卷書十三
卷詩二十卷周官禮十卷儀禮十七卷禮小戴
記二十卷春秋左氏傳三十卷公羊氏傳十卷
穀梁氏傳十卷孝經十卷論語十卷爾雅二卷
考唐時立之學官必云九經謂易詩書及三禮
三傳石經則兼孝經論語爾雅仍目為九經貞

觀中孔穎達作易書詩禮記左氏春秋五經正
義永徽中賈公彥撰周禮儀禮義疏宋^時邢昺疏
孝經論語爾雅孫奭疏孟子皆奉詔作唯公羊
疏不注姓名穀梁疏用唐楊士勛于是有十三
經之目明代但取四書五經頒為功令又跼蹐
于宋元儒一家之言而注疏盡廢我

聖祖仁皇帝稽古右文諸經傳注各有彙纂博綜兼收集
漢唐宋諸說之長

皇上頒示黌宮扶植經學甚盛典也石經文刻自開成
中鄭覃同周墀崔球張次宗孔温業等共為校
定今傳為歐陽率更書者悞舊唐書譏其字乖
師法然終勝今之監本坊本窮經好古者
有助焉余前過西安有作今亦刻石遊曲江雁
塔寺唐時進士題名處也留扁曰慈雲法雨又
過興善寺留扁曰涅槃妙心

四月朔日發西安憇灞橋抵臨潼縣留書扁曰善

優送置

行宮

初二日登東岫嶺憇新豐零口抵渭南縣有下邽
故城蓮勺城俱在縣北漢書宣紀常困于蓮勺
鹵中注如淳曰蓮勺縣有鹽池縱廣十餘里其
鄉人名為鹵中元和志唐之下邽即漢之蓮勺
也是夕宿赤水

初三日憇柳子鎮及敷水宿華嶽廟汀東鹽使來

也

初四日晨起登華山天氣陰曠翠色溟濛過王猛
臺按晉書載記猛隱於華陰山聞桓温入關被
褐詣之捫蝨譚當世之務温欲與俱南猛請還
山諮師遂止此盖其遺蹟云所居歷希夷峽舊傳陳
搏隱處今有雲臺觀迤邐而前巒壑幽奧抵娑
蘿坪十八盤及青柯坪回心石風雨交至蜿蜒
入千尺幢仰見蒼厓壁削瀕洞蒸嵐脩眉穠綠

突露天罅其撇揆陡上者三峯曰蓮花曰仙掌
曰落雁餘峯兒孫羅立不可紀極隱現于烟霧
之中若拱若伏爭竒角勝飛泉奔注界道噴珠
余自客冬出都叨荷

天慈筋力頗勝疇曩躡磴披巖殊覺健舉覩茲竒特興
趣轉盛而垂綆峻滑難登洗盆玉井相望咫尺
恰如方丈三山航海者風輒引去誦少陵鐵鎖
高垂不可攀致身福地何蕭爽二語撥淖而歸

仍宿華嶽廟

初五日憇釣橋宿潼關縣治水經注華嶽本一山當河河水過而曲行河神巨靈手盪脚蹋開而為西王涯仙掌辨云天設四瀆自有以通無假神力銳而出者為虎牙偶而背者為熊耳角而巘者為牛首冠而峭者為雞頭其亦有所作乎斯論韙矣又水經注河在關內南流潼激關山因謂之潼關自潼關東北流歷黃卷阪北出東

峭通謂之函谷關又門水北逕弘農縣故城東城即故函谷關校尉舊治處也漢武帝元鼎四年徙關於新安縣以故關為弘農縣弘農郡治按秦函谷關在陝州靈寶縣西南十二里漢弘農縣隋桃林縣也潼關故城在今潼關縣東南四里王應麟地理通釋自潼關至函谷歷陝華二州之地俱謂之桃林塞即左傳晉唐嘉所守者也

初六日校閱滿漢兵畢登潼關城樓觀所作石刻
復書扁曰河山在望出關謁禹廟看石刻遂渡
黃河憩匭河及新店宿蒲州之寺坡底名勝志
河西岸有蒲津關通陝西朝邑縣界即秦孟明
濟河焚舟之所

初七日憩七級抵虞鄉縣本西魏之南解縣也北
周保定初改名元省今仍分臨晉置是夕宿解

州

初八日晨謁

關聖廟發解州觀鹽池謁池神廟

觀所存石刻

書扁曰靈貺麻徵宿運城是日遇風按左傳晉

人謀去故絳諸大夫皆曰必居郇瑕氏之地沃
饒而近鹽杜預曰鹽鹽池蓋即今池是也山海
經高前之山其上有水甚寒而清謂之帝臺漿
郭璞曰今河東解縣南壇道山有水潛出渟而
不流即此處郇城在臨晉縣東北十五里故瑕
城在縣西南五里水經注涑水又西南逕瑕城

是也

初九日憩陶村及水頭鎮宿聞喜縣治水經注涑水出河東聞喜縣東山黍葭谷俗謂之葦谷至周陽與洮水合左傳臺駘汾洮之神此洮水也涑水西迓董澤陂左傳董澤之蒲可勝既乎注曰聞喜縣東北有董池陂蒲楊柳可以為箭是也周陽故城在縣東二十里史記田蚡傳景帝封蚡弟勝為周陽侯即此晚刻雨

初十日雨止憩上東鎮及隘口過侯馬抵高縣鎮宿

十一日憩蒙城及趙曲鎮入平陽府謁帝克廟是夕宿府治

十二日憩陽曲鎮經洪洞縣春秋楊侯國晉并之賜羊舌氏為采邑今縣東南有故楊城水經注汾水南過楊城西即此也又經趙城縣造父之封邑也史記周穆王賜造父以趙城由此為趙

上
游
及

賜物至

氏抵霍州宿是日恭迎

十三日憩施莊及仁義鎮遊淮陰侯祠過靈石縣
隋開皇時巡幸傍汾開道得靈石于此故置縣
取名再憩索洲鎮宿義棠橋

十四日過介休縣憩湛泉及張蘭鎮歷平遙縣漢
名平陶後魏避諱改水經注沁水東南注于文

水逕大陵縣東南屈到平陶縣東北是也宿五
里莊是日書扁曰漢代人傑送淮陰祠

十五日憩祁縣水經注侯甲水又西北流逕祁縣
故城南自縣連延西接鄔澤是為祁藪爾雅之
昭餘祈矣後為祁奚采邑國語悼公使祁奚為
元尉注云奚晉大夫高梁伯之子也奚孫盈始
絕左傳魏獻子分祁氏之田以為七縣鄔祁平
陵梗陽塗水馬首孟也鄔在今介休縣東北平

陵亦曰大陵在文水縣東北梗陽在清源縣南
塗水在榆次縣西南漢書之梗陽鄉塗水鄉也
馬首今壽陽縣孟今陽曲縣西北大孟城一曰
大祁城再憩堯城過徐溝縣宿永康鎮是日晉
撫來迎

十六日抵王胡鎮校閱太原旗兵憩石貼宿太安
驛遠望西山崛巒諸峯亭亭拱立翠絡碧攢汾
水夾流晉陽之形勝也

十七日憩清平鎮抵壽陽縣治寰宇記馬首故城
在縣東南十五里水經注洞渦水東流南屈受
陽縣故城東即壽陽也韓愈有次壽陽驛詩再
憩芹泉驛以芹泉山而名其泉源有二出南山
谷曰南芹出北山谷曰北芹二泉合流東入平
定州界亦名琴泉是夕宿新興店

十八日憩平潭鎮抵平定州州為唐廣陽縣有故
城在州南三十里有綿山在州東一名紫金山

澤發水之源也按水經注澤發水一名阜漿水
一名妬女泉元和志妬女女子推妹舊傳同子推
焚死唐書高宗將幸汾陽宮并州刺史李冲元
以道出妬女祠俗云盛服過者必致風雷之灾
乃別開御道知頓使狄仁傑止之遂罷役今有
唐李諲碑在娘子關本古承天關亦以妬女改
名盖因水有妬名村俗鑿空祀為妬女又以水
出綿山後人并附會為子推之妹考其冊號不

載祀典而碑稱妬水興雲致雨侔造化力則媵
臘廟祭似亦報功非誣但神號應釐正身宿栢
井驛是日多風

十九日憩故關入北直界再憩板橋過井陘縣穆
天子傳獵于鉏山之西河注云燕趙謂山脊為
陘即陘山也宿徵水

二十日憩獲鹿縣中山國之石邑也再憩趙陵鋪
渡滹沱河宿正定府治隆興寺本隋龍藏寺故

此有隋碑係開皇六年恒州刺史鄂國公金城
王孝德立石齋開府長兼行參軍九門張公禮
撰文序亦詩百刻

二十一日發正定府本春秋鮮虞國地左傳晉荀
吳假道于鮮虞杜預注中山之新市縣水經注
滋水又東出新市縣入滹沱河新市故城又東
經常山城北今有新市城在府西北恒山郡城
在治西南十五里恒山即常山避漢文諱改名

是日憩伏城驛宿新樂縣

二十二日憩明月店抵定州古中山國也漢為安

喜縣蜀志先主討黃巾有功除安喜尉即此唐

常置定武軍于此蘇軾雪浪齋故址在父廟後軾于

元祐八年由端明學士出知定州集內有中山

松醪賦蓋在州時作也是日天氣熱宿清風店

二十三日憩慶都縣因克母慶都誕克于此故名

有都山一名望都山水經注博水出望都縣東

南流迺其縣故城南是日保定總督率官弁來
迎宿方順店

二十四日晨拜發

奏章遂行憩大激店抵保定府治仍宿督署蓮花池
別業府治唐曰定州宋曰保州元合稱為保定
路有清苑河在城西二里源自雞距泉來分流
繞城南劉因詩十載雞泉隱是也因又有橫翠
樓賦云西北有峯琅然而秀者為郎山西四十

里有泉穴城而來者為雞水橫翠樓元萬戶張
柔所構即營蓮池者也水經注徐水屈東北迺
郎山又屈迺其山南寰宇記郎山在清苑縣西
北五十里

二十六日校閱旗兵

二十七日發保定府憩曹河水經注徐水又東左
合會曹水水出西北朔寧縣曹河澤東南流左
合岐山之水又東南迺北新河縣故城南王莽

之朔寧縣也曹水又東入于徐水是日抵安肅
縣縣即戰國時之武遂史記趙使李牧攻燕拔
武遂是也水經注易水東流屈迳長城西又東
流南過武遂縣南新城縣北俗又謂是水為武
遂津津北對長城門謂之分門按分門亦曰汾
門即梁門陂隋名縣為遂城劉因遂城道中詩
鐵城秋色接西垣是也再憩固城宿北河店

二十八日陰雨憩高碑店宿涿州水經注漢高祖

六年分燕置涿郡涿之為名當受涿水通稱矣
涿水出上谷涿鹿縣東北流迳涿郡故城西與
桃水合又聖水自涿縣東與桃水合世謂之涿
水又挾河東北注聖水世謂之挾活河又謂之
巨馬水按此則涿桃聖三水及挾河並匯一流
今之巨馬河蓋兼諸水之稱又有范水在州西
南范陽郡以此名

二十九日晴發涿州憩琉璃河宿長新店

閏四月朔日恭詣

圓明園復

命

圓



